

續修歷城縣志



續修歷城縣志卷十九

古蹟考四

亭館三

秋柳園

朱照畫文簡公秋柳詩社圖詩舊事回頭致感傷酒筵遊戲偶

逢場數椽館舍明湖側後輩人傳秋柳章

錦秋老屋稿

李西堂秋柳園舊址詩七橋東去踏荒墩腸斷漁洋舊柳園剩

得幾株風露裏向人猶自舞黃昏

晚悔堂

吳振棣暇日出遊雜成詩湖上微波夕有烟幾行秋柳思纏綿

漫誇黃竹青荷句慘綠當時尙少年

花宜館詩鈔

續歷城縣志卷十九

古蹟考四亭館三

濟南大公印務公司印

灰泉別業

朱紉過韓天章灰泉別業二首小縛茅亭地數弓石闌詰屈板

橋通佳人讀易撫修竹一片泉聲黛色中綠萍池面一層開

如絮山雲送雨來輸與畫師行看子潑翻墨汁寫灰堆

歷下詩鈔

桐孫老屋

朱曾傳桐孫老屋卽事二首桐孫屋角碧桐孫桐社詩人派此

分太史能才因好馬東坡學道不辭雲松篁初種僧無子葠朮

扶衰藥有君此外但求藜藿飽眞成大腹負將軍披涼語到

月痕低靜聽堦前絡緯啼花影自工珠絡索詞人乞到玉東西

幼游湘渚些能楚家世中原語合齊詩賜諸兒須見實令狐儒

仲喚從妻

腐毫集

鍾廷瑛再過桐孫屋詩十丈塵沙外振衣訪舊壚庭前龍笏大
天上酒星孤燈火餘深碧風光未絕無秋墳知有唱肯遺土花

枯

退軒詩鈔

丁香館

朱曾傳丁香館詩茅堂竹樹已成陰莎徑蕭寒愜共尋人立花
間微有露月來衣上不宜砧辛勤午夜讐書伴潦倒丁年買劍
心蓬矢桑弧等閒事且教橫笛作龍吟

腐毫集

倦飛亭

任宏遠門人劉太學劍三邀飲倦飛亭有感一首並序倦飛亭

續歷城縣志

卷十九

古蹟考四

亭館三

二

濟南大公印務公司印

朱儀淑先生別墅也先生爲厯下顯族有王謝風無貴介氣營
秉鐸邱邑未幾歸田乃建亭於聽水間北顏曰倦飛取鳥倦飛
而知還之意每當春花秋月邀灤上諸名士飲酒賦詩今四十
年來諸同人皆成宿草而先生亦長眠泉下園亭易主他人入
室一旦重遊能不黯然記得當年此地遊賓朋瀟灑主風流檐
前柳色賞三月籬下菊花看九秋分韻題詩聽漏永飲酣愛客
剪燈留羣山不管人更換猶自青青翠滿樓

鵲華山人詩稿

灤涓樓

任宏遠灤涓樓落成家大人命賦一首大人啟幽境樓架灤水
上凭欄四望通寓目百千狀曉陰生白雲晚霽開青嶂沙鷗飛

簾前風帆破煙浪茲棲萬事宜默對幽懷暢彈琴流水音盃酒
臨風釀暇日效趨庭乃知學禮讓吟詩在高樓青浮同演漾同上
見山亭

任宏遠見山亭落成自題一首

歷下諸山環列窗外

小築深水上羣峯向

亭寰寰冥冥空青色飛來几席間竟日了無事此心相與閒惟
餘白雲簇悠然時往還同上

亦園在濰口廣平府知府劉叔枚建

續修府志採訪冊

謝仵過劉淮南亦園詩雨止夕陽明驅車郭北路中道訪素心
亦園在指顧踏苔入林壑石筍紛無數森然植萬笏奇峭殊可
怖其西鬱嵯峨直欲逼雲霧轉入石洞深彷彿石床具石牕光

續歷城縣志卷十九

古蹟考四亭館三

三

濟南大公印務公司印

潛射石几香堪炷東出忽開豁小亭翼然駐隔水一岸高傍谷
雙泉渡靈境悉探躡幽趣盡呈露茲地臨鵲華荆標亦跬步煙
雨暮連朝石脈起還仆巒岫既縈紆台榭復盤據到來澹忘歸

白雲巖頭住

春草軒詩稿

鍾廷琬七夕前一夕養拙閣同人小坐

閣在亦園

一首新月朦朧露

欲滋晚烟深護柳絲絲驚心節物暑三伏絡角星河天四垂壯
志全輸諸子勵微言端有幾人知歸來一穗閒燈影細讀茶山

蘊藉詩

遇軒詩錄

又雨後亦園小步一首清明雨過又紛紛花事闌珊客斷魂暫

假崇臺遊遠目數株風柳綠遮村

同上

周樂遊劉氏園作晨興風日佳游侶共翩翩招邀過別墅未諾
足已前到門聞水聲石罅流潺湲迴廊隨徑曲透折山根連林
鳥驚客起飛鳴移樹顛迤邐陟坡陀古洞低頭穿欹石如雲墜
細草茸茸懸絕頂一憑眺鵲華見悠然歡噓坐席地肴蔎羅杯
盤華髮醉顏酡如與花爭妍人影忽在地涼月升娟娟

二南詩鈔

基園在濰口工部員外郎李士琛建

續修府志採訪冊

申士秀夢遊基園記戊戌春余居蜀五年所矣故國之思無時
或釋正月望後薄暮里中李工部南珍來書云頃葺基園與諸
知舊偃息其中興到輒綴小詩以自娛大約其勝十有二日拜
石山房曰亦舫齋曰爾室曰一鑑方塘曰函青書屋曰二酉草

續歷城縣志

卷十九

古蹟考四亭館三

四

濟南大公印務公司印

亭曰青簾石室曰勺泉曰虛谷曰面壁軒曰槐亭曰又一村余
挑燈讀之如遇蘭亭之集如觀輞川之圖不覺形超神越爲浮
一大白未幾酒半醺頽然就寢見夫一鑑潏潏菡萏數十柄掩
映青萍綠藻間真方塘半畝也已而見夫怪石嶙峋或曰此拜
石山房也余曰余爲石丈人所困見思叱之何拜爲已而過一
書屋厯下玉函諸峰浮嵐暖翠爭効於几上余竚立久之竟如
置身深上矣忽自詫曰適接李君書今遽至此此其殆夢耶或
從旁指示曰此青簾蔭厓者石牀石龕不居然在耶此洞中石
泉涓涓細流者不有一勺之多耶無何李來邀余造亦舫齋厯
爾室觴余於二酉草亭君弟光祿君亦知笑謂余曰曩遊翁署

中西山視此何如余曰固不同酒竟余笑謂李君曰君之樂止此乎光祿曰未也吾兄尙有槐亭面壁軒又一村諸勝盍厲目焉無何衙鼓寥寥余驚寤始知其爲眞夢也或謂余羈於荒山而不得出故一得李君札卽入夢境設易此地而踐紛華靡麗之場當不暇作是夢嗟夫余煙霞之癖久矣卽易此地亦不能以彼之樂忘故國之樂也夫以李君筆墨能事卽令余一夕之中如遊華胥其樂無涯況如李君者眞有是境並非假諸夢寐其樂更何如哉然李君年方壯一仕而卽歸他日或出而復仕亦未可知昔人云虎節麟符拋不得却將清景付閑人未必不似余今日之徒託於夢也遂發數千里外一笑焉

同上

續歷城縣志

卷十九

古蹟考四
亭館三

五

濟南大公印務公司印

按亦園基園皆疊石爲山陳兩人監造兩人善畫故其布置具有邱壑亦園山峻拔基園山坦弛各有逸致

全上

謝任暮秋基園贈李獻南詩名園依濟濼阿勢蜿蜒茲來更幽絕風景值秋晚木脫虛谷清水歸勺泉淺松門蔽蛛絲石丈被苔蘚捫蘿拂黃花曲折陟層巘迎面數峰青雲根共躡踐君曠儕向禽我疎逼嵇阮悠然興如何跌坐竟忘返

春草軒
詩稿

鍾廷璘初寓基園詩忽踞園林勝疑曾夢裏遊蛺蝶兼松籟響雨助石淙流跌坐同僧夏鉤簾想爽秋此間消永日何必到瀛洲

退軒
詩錄

又七律二首並序癸酉夏秋漁農部延席基園園乃工部郎李

南珍先生士琛所構余乾隆丁亥曾一至深其時未有園也感

舊述今奉東秋漁蓉州

楚航別號

夢泉諸子萬家樓閣簇帆檣國計

東州重海王烟兩山連秦扁鵲清冷水注古娥姜

深一名娥姜水

蒼顏

白髮留孤客綠野平泉感望郎寄語隴西好昆季時來相話莫

相忘四十餘年此重來齊烟點點望中開山應謝客遊時闌樹

是劉郎去後栽起部舊營留洞壑農曹新葺又尊疊故須作記

煩文叔

謂蓉州

千古名園賴妙才

同上

李洲有感一首

自注傷基園之租爲市館也

一縷炊煙起鶯花盡黯然廬山

失面目滄海變桑田世味真難肋湖光當酒泉行人指點過猶

復話當年

槐產書屋詩鈔

續歷城縣志

卷十九

古蹟考四亭館三

六

濟南大公印務公司印

平遠書屋

趙掄簡留題平遠書屋詩彎環沛水繞村流絕頂軒牕見綠洲

名士從來甘漱石仙人何必好居樓雲根錯落排松影石徑高

低露草鉤不是主人能愛客酒酣爭得此間遊巡檐逐曲上崔

嵬書閣層層次第開懸壁三楹疑洞府傍巖一屋似樓臺煙霞

氣向空中聚金石聲從頂上來欲別還思聊小坐登車那禁首

重廻

帶經舫集鈔

棗香居

顏懋儒題朱命仲棗香居二首旅館不疎索與君托比鄰過湖

無巷隔問水到門頻勸策糟邱大名求桑苧新何妨歸計緩同

作濟南人博得細君媚拔釵沽酒行春寒花晚出院小草初生
亂水都歸寺晴嵐盡壓城多君清興好斗起故園情

十客樓稿

紫荆山莊

謝仟紫荆山莊雜詠四首策蹇自南來標山夾細路路盡平橋
迎瀾瀾水西度雅宜稻花時青疇點白鷺水循香磨去里餘更
清曠遠村起炊煙暖暖隔林嶂忽與岫雲台遮我松棚上村北
桃花林開時偶一至紅雨遍枝頭頗含武陵意莫向谷口種恐
悞劉子驥雲莊紫荆東文忠餘故址葬此五百年裔孫猶聚此
爲善無不報於此見天理

春草軒詩稿

德馨書屋

續歷城縣志

卷十九

古蹟考四
亭館三

七

濟南大公印務公司印

謝仟題張敦夫德馨書屋二首西郭東流北人家足碧泉龍潭
伏雷雨天鏡印嬋娟水木矜晴候雲煙駐目前訪君頻悵望遊
釣憶當年隱樹溪邊屋侵階竹下泉圖書供點綴風日倍清妍
眞率高人會飄蕭落葉天相邀予不至碌碌愧諸賢

同上

觀瀾亭

謝仟初冬坐觀瀾亭詩泉冷池臺靜淒然感昔遊如何人易老
不及水長流隔岸聞清楚支頤對白鷗徘徊忘歸去落日在松

頭

春草軒詩稿

望鶴亭

王鍾霖釣突泉望鶴亭詩高軒臨水不常開偶酌清泉滌茗杯

一局棋完閒問鶴過橋可見幾仙來

胡際元
採訪

小留軒

申士秀小留軒歌小留軒在何許百花洲畔結茅宇簷前朝飛
皓華雲窗外暮聽明湖雨軒中主人才且華曾植河陽千樹花
底事投閒坐冷署釜中生魚竈生蛙主人笑謂頗不惡泉香峯
翠此間樂有書萬卷詩百篇興來且就軒中酌

歷下
詩鈔

潭西精舍

潭西精舍在歷城西門外五龍潭上卽唐秦瓊故第舊址桂未
谷所築濬池得泉似趵突而小在七十二泉之外題曰七十三
泉往來名士多居於此天鏡泉流至精舍前繞東廊過北牕始
續歷城縣志

卷十九

古蹟考四
亭館三

八

濟南大公印務公司印

入潭遊者入門卽聞水聲潺潺嵌壁有石刻顏魯公竹山聯句

詩

小滄浪
筆談

尹廷蘭潭西精舍後記嘉慶十一年李喬雲周二南讀書潭西
精舍舍爲桂未谷所築卽水經注所謂大明湖池上客亭故址
也壁間有未谷記歷引子固子由无咎詩文以訂齊乘北渚亭
之說之誤論頗詳覈至謂潭爲唐武衛大將軍胡國公秦叔寶
故宅一夕化爲淵則於傳記實無所據攷水經注溱水北爲大
明湖西卽大明寺寺東北兩面側湖此水便成淨池池上有客
亭齊乘曰池上有亭卽北渚也今名五龍潭潭上有五龍廟亭
則廢矣據此則五龍潭在元魏時已成淨池胡公何爲於水中

築室身後致神物，緒其宮乎按胡公宅址在鐵塔西關，闔閭其地岡阜，壤塏今爲客邸，里人所謂花店者也。每歲臘月賣花者，慶集秦氏裔孫來收花稅，其事雖不經，然父老相傳已久，不可謂無徵矣。予每過潭西，見其泉石清峭，林木蒼鬱，與道元所謂左右楸桐，俯仰魚鳥，極水木明瑟者，曾無少異。竊歎未谷用力之勞，而以潭爲胡公宅，則僞撰故實爲兩君詳說之如此。

華不注山

房文集

長洲沈二香默爲陸朗夫中丞外甥，有何無忌，似舅之譽久客山左，交友賢豪，借夢華古愚未谷秋鶴燕亭諸子共議創建潭西精舍，二香爲輯潭西小志一卷，攷證故蹟，搜羅新詠，可云精續。歷城縣志卷十九

古蹟考四

九

濟南大公印務公司印

核同上

桂馥潭上雜詠八首，樹色不離門，水聲長繞屋。昨夜月上時，散步未能宿。

潭西精舍

名泉七十二，不數五龍潭。爲勞算博士，籌添七

十三

七十

野客多墊言，屠狗沽酒肆。劍匣霹靂聲，說到不平事。

談助

我有石上琴，一彈不復理。化作流水聲，聲從太初起。

琴行

過板橋頭看雲聊小住，杖影落水中。半日流不去。

倚杖橋

雜樹自成林，落葉無行迹。隔水聞砮聲，時爲野僧奕。

芳林

既有石泉響，何必松間聽。誰知浙江潮，翻從壁上生。

小檻時一憑，誤被遊魚

識。朝來醉顏酡，走向花間匿。

水檻

未谷詩集

又別潭西精舍詩，夢裏難拋潭上屋。眼前又作路旁人，秋風不

肯留行客先到燕南易水濱

同上

馬履秦厯下雜詩那有池邊舊客亭祇餘明瑟眼猶青我來精

舍招涼坐菡萏香中讀水經

同上

劉大紳潭西精舍一首并序潭西精舍晤桂未谷廣文時未谷

暫請假夫子無爲者蕭然此賦間新疏泉一道小築屋三間辟

俗偏鄰市參禪不閉關匆匆歸太早何日再追攀

寄庵詩鈔

劉大觀飲精西精舍詩釋子結茆處潭深有臥龍梵餘雲繞戶

棋罷月凝松人與鶴俱靜閒爲天所容我携杜康酒花下偶相

從

玉磬山房詩稿

又題潭西夜話圖并序中秋後五日與嘉興吳竹虛集研廬上

續歷城縣志卷十九

古蹟考四亭館三

十

濟南大公印務公司印

人潭西精舍竹虛作夜話圖以寫清曠之樂因題其後一僧潭

上居二士來叩門數千里外客把臂相寒溫鐘罷四山暝語盡

一燭昏寫與後人看知有誰收存

同上

王燧潭西寺尋桂未谷遺迹詩贈君七十三泉詩正是君將去

此時一語以規後來者八分曾乞大書之

未谷嘗書余句清光不照紅顏客於壁上

墳頭草宿誰澆酒簾底蠹殘親搨碑問著老僧都不識繩牀跌

坐低長眉

稿唐詩稿

尹廷蘭同翟鱗江周范墅宿潭西精舍李霽雲周二南讀書處

也勝地開精舍冷然清道心秋桐無日入風雨有龍吟白墮樽

中酒朱弦壁上琴吾曹行樂處天地意何深坐久星光亂宵深

露氣清隔牆仍樹色入夢亦泉聲酒渴頻思飲詩狂每欲爭幾

回望明月流影下高城

華不注山房詩草

方世振潭西精舍詩天然成結構曲折使人迷花徑窗三面茅亭水半溪芳林入幽處畫壁盡留題倚杖橋邊立聽泉日向西

國朝山左詩彙鈔

周奕鑾潭西精舍呈劉寄庵先生詩潭西開勝境講舍最蕭森水木延清賞濠梁托素心聽泉俯澗石佇月立花陰城市囂塵

裏幽蹤那可尋

范墅詩草

范垌詩雲行雨施五龍潭精舍新泉七十三首植青桐高出屋

敲棋煮酒夜深談

五龍潭在城西祀五方龍神建於元禱雨多應明知縣張公鶴鳴重修乾隆辛亥澤州相

續歷城縣志卷十九

亭館三

十一

濟南大公印務公司印

國曾孫陳明軒茂才秉灼曲阜桂谷進士履歷金於其傍築潭西精舍有談助亭杖影閣七十三泉之盛

風淪集

韓崇潭西精舍詩二首潭西尋小築到處水涓涓種樹思前輩

牽蘿仗後賢

精舍創於桂未谷常熟蔣因培修葺之

墨香凝斷碣雲影動寒泉

欲解塵纓濯臨流已惘然獨遊意蕭瑟秋氣集寒汀苔色連波

綠桐陰覆石青蟲依危砌響龍臥古潭腥不見瞿曇影棋聲冷

竹亭

寶鐵齋詩錄

孔昭虔烏龍潭八詠開窗招白雲人在落花裏四圍山影寒秋

色淡如此

潭西精舍

泉上濯塵纓掃地設禪榻夢中流水聲清磬遙

相答

七十三泉

杖頭挑藥欄杖末挂茶具明月水聲中人影自來去

倚杖橋

清談霏玉屑妙理參寥廓談久諸天聞紛紛花雨落

談助亭

夜靜橫素琴松風生十指石牀秋色閒吾意在流水琴牀臨流凭

曲欄空波淡秋影人靜鷗鷺閒水底白雲冷水檻此閒可臥遊面

壁參空界身在畫圖中心遊暮雲外畫壁疏林淡將夕古寺無人

行不識故人至遙聞黃葉聲芳林室詩集

吳振棫潭西精舍詩出城無百步荒寂似空山樹色破窗上蟲

聲落葉間不飛雲太嬾長餓袖仍閒泉味清如許茶甌未可慳

古寺倚高柳空潭落晚荷近遊閒日少老輩好詩多謂沈芷生黃小鄉諸

先生或有殘碑在應無俗客過久留潭不厭竹石細摩挲花宜館詩鈔

宋翔鳳過蔣伯生因培五龍潭精舍記事一首沁骨清泉曲岸

遮照愁紅日畫欄斜逸情其奈合歡樹別意應消解語花霧縠

續歷城縣志卷十九古蹟考四亭館三十一

太輕煙瘦玉冰瓷漸滿碧流霞中庭更語題詩客尚有芳蘭未

放芽憶山堂詩錄

朱畹潭西精舍懷桂未谷先生一首小橋臨水橫拄杖過橋行

樹密連雲影泉多作雨聲快談今已往濁酒昔同傾舊侶都星

散空留壁上名國朝山左詩續鈔

又題寄庵先生潭西草堂圖詩風竹影闌干清流帶激湍一堂

容膝易五斗折腰難針插稻生水錦堆花繞欄行將賦歸去且

向畫圖看紅蕉館詩鈔

鄭雲龍過潭西精舍有感一首當門兩道細流盤娘子灣邊腐

目看桐老鳳稀精舍圯霜高龍靜碧潭寒壁嵌淡墨迹猶在多壁

桂未谷諸
人石刻

門鎖敲棋聲久殘

研慮和尚工奕
時圓寂已久

怪得古今多感慨

風流消歇起長歎

焚餘
詩草

嵇文駿游五龍壇詩飄然古利一聲鐘打破秋雲碧萬重風撼

庭柯驚宿鳥日沈潭水動蒼龍周郎壇坫今誰繼

周二南明經
嘗聯詩社於

此

翼國英雄豈再逢

寺爲唐翼國
公故宅

七十二泉亭子上白頭難覓

舊遊蹤

筆花書
屋詩鈔

又游潭西精舍詩樹影瘦遮屋泉聲清到門依然禪徑寂無復

老僧存靜院閒棋局秋風澹酒尊冷香何處發野菊滿籬根

同上

李文龍湖西精舍懷高居東詩十里荷香中一亭稻畦柳陌際

山青草元何用識奇字養病殊宜讀內經門掩寂寥秋聽兩窗

續歷城縣志卷十九

古蹟考四
亭館三

十三

濟南大公印務公司印

臨空閣夜看星贈君此味無由寄目送飛鴻入杳冥

歷下
詩鈔

小滄浪

翁方綱小滄浪記運使兩窗阿公既建鐵公佛公二祠於濟南

明湖之北渚於是事舉而人和氣舒而民樂渚面故多植蓮自

歷下亭沿葦蕩而西北境愈曠眺愈遠蓮亦益靚且深爰因築

祠餘工度面勢構軒檻周以迴廊帶以彎橋有亭翼然有臺豁

然地不加高而城南千佛諸山皆在几席水香花氣搖颺於半

陂峯影之間謁祠者載酒而溯洄懷古者興歌而沿棹昔漁洋

先生謂水面歷下諸亭應皆在湖之南不足以當北渚遺址鼉

无咎所賦北渚亭應更在其北者當卽斯地歟前人所謂百花

之堤七橋之徑今皆已不可盡攷獨此地得於脩祠之隅若天
造而神貽之者兩窗題曰小滄浪實則一攬七十二泉之勝有
餘矣故書此以記之

復初齋
文集

小滄浪者歷下明湖西北隅別業卽杜子美所言北渚也魚鳥
沈浮水木明瑟白蓮彌望青山嚮人至此者渺然有江湖之思
別業爲鹽運使阿兩窗林保所築兩牕移任天津方伯江滋伯
蘭領之方伯移任雲南余乃領之與學署相距一湖少暇卽放
舟來讀書于此或避暑竟日或坐月終夜筆牀茶竈夷猶其間
鵲華在北惜爲城堞所掩歷山在南蒼翠萬狀遠望梵宇小如
箱篋或黑雲堆墨驟雨翻盆萬荷競響跳珠濺玉霽然而霽殘

續歷城縣志

卷十九

古蹟考四
亭館三

十四

濟南大公印務公司印

霞雌霓起于几席斜日嚮晚湖風生涼皓月轉空疏星落水鴛
鴦瀾鵲拍拍然不避人也及其清露溼衣仰見參昴城頭落月
大如車輪是天將曙矣此境罕有人領之者

小滄浪
筆談

小滄浪開碧蓮一朵四面四心攢簇數百瓣折歸供四照樓下
與友人同賞余有句云一枝折向水晶盤十二蓮心共一攢儘
有花光酬坐客不妨樽酒合圍看段赤亭松苓句云匝水窺魚
戲刻劃最工後杭州陳雲伯文述補咏之云吹墮仙雲玉女家
風裳水佩各清華魚窺曲沼團團月人繞方塘面面霞如此同
心宜百子但看半影已雙花尋常連理應羞比無數死央避碧
沙亦復工麗

同上

小滄浪在鐵公祠西偏門東向入門砌石子爲路雜花鋪錦路
西北隅修竹十餘竿有堂三楹西爲平臺容數人列坐宜望月
下臺循長廊南行數十步稍折而東爲水榭開窗南山環列如
屏障榭半浸水中導湖水自廊下入北流折而東板橋跨之水
自橋下繞繞鳴又折而北迤西匯爲方池蓮花盛開條魚數百
頭倏忽往來游泳時檻外有白鶴方刷羽見人避池中立俛而
啄不顧過橋別一徑東北出逕盡得小山山築土疊石爲之石
骨瘦削巉巖刻露山頂建一亭高於平臺者數尺坐亭中小憩
全湖煙景盡在一覽中矣

濟南雜詠

阿林保題小滄浪詩四首湖西小住宛江鄉面面軒窗繞曲廊

續歷城縣志卷十九

古蹟考四
亭館三

十五

濟南大公印務公司印

斷岸直隨蘆葉盡虛檐全受藕花香濃青照眼山千響冷碧涵
空水一方蘋蓼蕭疏煙渚外閒鷗點點泛斜陽數竿修竹半弓
苔更乞名花繞砌栽雲影蕩波山勢動魚梭驚岸水紋開放荷
正好月初上倚檻恰當風乍來燈火漁莊催暝色夜涼那忍棹
舡迴何處投綸學釣翁此間真可構孤篷敢教案牘如塵積難
得煙波近市通綠樹村邊煙漠漠白蘋灣外雨濛濛坐來大有
滄浪意隱約漁歌出葦叢如此清遊百不辭坡公留得使君癡
湖山許我開生面風月懷人感舊時興到欲移茶竈住詩來早
被水禽知摩挲碑版他年事且折荷簫酒共持

石刻

翁方綱六月九日與諸友人汎湖憩小滄浪一首明湖西北小

滄浪紺碧雲圍菡萏香竹月細穿銀鏡檻水風徐皺雪羅裳頓
教蘆葉生秋早未覺槐花送客忙收得諸峯隨艤子依然禪榻

聚圓光

復初齋詩集

又同諸友小滄浪作二首

六月十日

種菱占半郭與人閱三庚去年

亦茲日倦言鏡檻憑微我二三子孰偕鷗鷺盟襟搖半峰影槩
劃疎蒲聲北來風雲思南話江湖并中通蓮氣味靜喻山性情
豈必蹇處士始題海右亭盡得七橋勢以挈千崖青二年四序
周風雪月晨夕各有領要處獨未雨景得一角猶斜陽千峯變
水墨圓荷不受濡此響乃真碧一洗明鏡空誰算秋影積千珠
前夢悟仍是明月滿淵平文字禪收之坐跌息歸向石帆叩相

續歷城縣志卷十九

古蹟考四亭館三

十六

濟南大公印務公司印

與觀定力

同上

又小滄浪月夜作一首

七月十一日

屢乘月夕尋詩話今夕初涼最

清快紅雲玉鏡寫空明始是濟南詩境界初來雲升月猶澹峰
尖四罩青菡萏水底蒼烟疊綺霞水面圓珠蕩金漱虛亭俯出
飛霞表逕轉祠陰曲廊遠古來北渚作湖心今日七橋皆畫稿
此亭本借祠隅築抱郭人家帶寒綠西湖隄去問百花歷下亭

來漱鳴玉

百花臺名鳴玉亭名

自有此湖無此亭一攬全勢交迴汀北海

筵前佩珂響少陵詩裏遺堞青曾公鼃公蹟何在遺山來餘六
百載近到新城柳社遊只此秋空同月彩今我來盟鷗鷺靜隔
浦漁蓑臥烟冷蓮葉深沿葦葉深層欄影接層峯影月穿蓮葉